

Ulloq: 10. februar 2021
Allaffik: Nordatlantkontoret
Suliarinn.: Julie Christine Gade
Mikkelsen
Suliaq nr.: 2017-490-0004
Dok.: 946717

Uunga

MISSINGIUT

Eqqartuussisarnermik inatsisip, akiliisinnaajunnaarneq pillugu inatsip, eqqartuussivikkoortumik nalunaarsuineq pillugu inatsisip, aappariinnerup inatsisitigut sunniutai pillugit inatsisip kiisalu inatsisit allat allangortinneqarnerisa (Toqusup pigisaasa agguarnerat pillugu inatsisip malitsigisaanik allannguinerit) Kalaallit Nunaanni atuutilersinneqarnerannik peqqussut

UAGUT MARGRETHE AAPPAAT, Guutip Saammaassineratigut, Danmarkip Dronningia uppersarparput:

Eqqartuussisarnermik inatsisip, akiliisinnaajunnaarneq pillugu inatsip, eqqartuussivikkoortumik nalunaarsuineq pillugu inatsisip, aappariinnerup inatsisitigut sunniutai pillugit inatsisip kiisalu inatsisit allat allangortinneqarnissaat pillugit inatsit nr. 386, 22. maj 1996-imeersumi § 16, imm. 3ⁱ naapertorlugu (Toqusup pigisaasa agguarneqarnerat pillugu inatsisip kinguneranik allannguinerit kinguneranik allannguinerit) aalajangersarneqarpoq:

§ 1

Akiliisinnaajunnaarneq pillugu inatsimmi, peqqussut nr. 983, 16. december 1997-imeersukkut Kalaallit Nunaannut atuutilersinneqartumi, inatsit nr. 402, 26. juni 1998-imi allangortinneqartumi, peqqussut nr. 482, 19. juni 1999-imeersukkut Kalaallit Nunaannut atuutilersinneqarnertumi tulliuttunik allannguisoqassaaq:

1. § 1, imm. 1, nr. 2, imatut oqaasertalerneqassaaq:

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

»2) ullormi akiligassallip toquffigissaani, pigisat akiliisinnaassuseqanngitsut pillugit maleruagassat malillugit toqukkut qimaguttup pigisai suliarineqarpata, tak. kingornussisarnermik inatsimmi, peqqussut nr. [indsæt], [indsæt]-imeersumi §§ 69-72.«

2. § 3, *imm.* 3, atorunnaarsinneqarpoq.

3. § 19 atorunnaarsinneqarpoq.

4. § 35 imatut oqaasertalerneqassaaq:

»§ 35. Akiliisinnaajunnaarnerup nalaani akiliisinnaajunnaarnermi pigisanut kingornussassat ilaappata, toqukkut qimatat akiliisinnaajunnaarnermi qimatat akuersissutigineranni inuinnartut agguanneqarsinnaapput.

Imm. 2. Toqusup pigisaasa agguarneqarnerat pillugu inatsimmi, peqqussut nr. [indsæt]. [indsæt]-imeersukkut Kalaallit Nunaannut atuutsinneqalersumi §§ 27 aamma 28 malillugit akiliisinnaajunnaarnermi qimatanut piumasaqaatit tassaapput amerlasuut piumasaqaataat.«

5. § 92 atorunnaarsinneqarpoq.

§ 2

Imm. 1. Peqqussut ulloq [dato] atuutilissaaq.

Imm. 2. Inatsisip atuutilinnginnerani toqukkut qimaguttoqarpat, imaluunniit inatsisip atuutilinnginnerani toqukkut qimatat agguanneqanngitsut agguanneqarnissaannik qinnuteqaateqartoqarpat, maleruagassat maannamut atuuttut atorneqassapput.

ⁱAalajangersagaq imatut oqaasertaqarpoq: »*Imm.* 3. §§ 2, 4, 5, 7, 12 aamma 13 kunngip peqqussutaatigut, Kalaallit Nunaanni pissutsit immikkut ittut naapertorlugit sanequtsinernik ilaqartillugit, Kalaallit Nunaannut atuutilersinneqarsinnaapput.«